

ԼՂԻՄ. ԿՈՄԵՐԻՏՄԻՈՒԹՅԱՆ ՄԱՐԶԿՈՄԻ ՊԼԵՆՈՒՄՈՒՄ

Լեռնային Ղարաբաղի կոմերիտ-միության մարզկոմի պլենումը բննարկեց մարզային կոմերիտական կազմակերպության դրության հարցը:

Պլենումում մասնավորապես նշվեց, որ Ադրբեջանի ղեկավարությունը, ամեն կերպ խոչընդոտելով ԼՂԻՄ-ի խնդրի արգարացի լուծումը, շարունակում է սրել հանրապետության և ինքնավար մարզի իրադրությունը: Դրա հետևանքով հայ և ադրբեջանական ժողովուրդները հայտնվել են վտանգավոր կացության մեջ, որը սպառնում է վերածվել ֆաղափացիական կոնֆլիկտի: Դրությունը խորացավ ֆաղափակիր պետության համար աննախադեպ ձեռնարկման՝ Ադրբեջանի կողմից ԼՂԻՄ-ի և Հայկական ԽՍՀ-ի շրջափակման հետևանքով: Ստեղծված իրավիճակի պայմաններում ՀամԿԵՄ Կենտկոմը չի շտապում սկզբունքային գնահատական տալ ռեզիմենտի տեղի ունեցող իրադարձություններին: Տարակուսանք է պատճառում նաև ՀամԿԵՄ-ից ԽՍՀՄ ժողովրդական դեպուտատների դիրքորոշումը, որոնք ըստ էության լիակատար անտարբերություն են դրսևորում տեղիս կոմերիտականների և երիտասարդների կենսական շահերը շոջափող խնդիրների նկատմամբ: Այդ ամենը աներևակայելի դժվարությունների է հանգեցնում մարզային կոմերիտական կազմակերպության գործունեության մեջ, որոնք սեփական ուժերով հաղթահարելը անհնար է քվում:

Հաշվի առնելով ստեղծված կացությունը, կոմերիտմիության Լեռնային Ղարաբաղի մարզկոմի պլենումը, որը դեռևս 1988 թվականի դեկտեմբերի 6-ին հռչակել էր ԼՂԻՄ-ի կոմերիտական կազմակերպության դուրս գալը Ադրբեջանի ԿԵՄ կազմից, արտահայտելով մարզի երիտասարդության գերակշիռ մեծամասնության կամքը, որոշեց միջնորդել ՀԿԵՄ Կենտկոմի առջև Լեռնային Ղարաբաղի

մարզային կոմերիտական կազմակերպությունը Հայկական ԽՍՀ կոմերիտական կազմակերպության կազմի մեջ ընդունելու համար և ՀամԿԵՄ Կենտկոմին խնդրել, որ բննարկի ու քավարարի այդ միջնորդությունը:

Պլենումը դատապարտեց ԼՂԻՄ-ի և Հայկական ԽՍՀ-ի տնտեսական շրջափակումը Ադրբեջանի կողմից, այն գնահատելով որպես մարդու տարրական իրավունքների խախտում:

Պլենումն ընդունեց ՀամԿԵՄ-ից ընտրված ԽՍՀՄ ժողովրդական դեպուտատներին ուղղված հատուկ դիմում, որով պահանջվում է անհետաձգելի միջոցներ ձեռնարկել հայ բնակչության անվտանգությունն ապահովելու, մարզի շրջափակումը վերացնելու, ճանապարհներին խժողժություններ կատարող մարդկանց պատասխանատվության ենթարկելու համար, ինչպես նաև ճանաչել Լեռնային Ղարաբաղի ինքնավար Մարզի ինքնորոշման իրավունքը, որն արտահայտված է ժողովրդական դեպուտատների մարզային խորհրդի 1988 թվականի փետրվարի 20-ի և հունիսի 12-ի նստաշրջանների որոշումներում:

Պլենումի մասնակիցները հավաստեցին իրենց վճռականությունը՝ այսուհետև էլ պաշտպանելու արդարությունը ԼՂԻՄ-ի խնդրի նկատմամբ, հայտարարելով, որ Ղարաբաղի հարցը կարող է լուծվել միայն ազգերի ինքնորոշման իրավունքի լեգիտիմացիայի սկզբունքի հիման վրա:

Պլենումը մարզի կոմերիտականներին և երիտասարդներին կոչ արեց այսչափ դժվարին պահին ցուցաբերել զսպվածություն, ֆաղափական զգոնություն, բարձր գիտակցականություն, շենթարկվել պրովոկացիաների:

Ա. ԳՐԻԳՈՐՅԱՆ
(Արմենյարեսի հատ. թղթ.)
Ստեփանակերտ